

# Gvangjsih Minzcuz Bau

Cawjguenj: Gvangsijh Bouxcuengh Swcigh Minzcuz Cunghgyau Swvu Veijyenzei Cawjbanh: Gvangsijh Minzcuz Bause Geiz neix 8 banj  
Aenhauh okbanj: CN45-0036 B.2024 Nd.6 Ng.5 Liggaeuq gyapsaenz nienz ndwenseiq ngeihgouj Geizsoq: Gungh daih 3625 geiz

## Siz Ginbingz Hoiz Saenq Yienqmienx Hagseng Swconh Swngj Nancungh Si Gyahlingz Gih Cihgyangh Siujyoz Muengh Gyoengq Lwgnyez Daengx Guek Ciet Lwgnyez Gozci “Roek It” Angqyangz

**Sinhvazse Baekging 5 nyied 31 hauh dien** Youq mwh Ciet Lwgnyez Gozci “Roek It” yaek daeuj daengz, Cunghung Cunghyangh cungjsuhgi, Guekgya cajsiz, Cunghyangh Ginhveij cajsiz Siz Ginbingz 5 nyied 30 hauh hoiz saenq hawj gyoengq hagseng Swconh Swngj Nancungh Si Gyahlingz Gih Cihgyangh Siujyoz, de yienqmienx gyoengqde, caemhcaiq muengh gyoengqde caeuq gyoengq lwgnyez daengx guek ciet lwgnyez angqyangz.

Siz Ginbingz youq ndaw saenq hoiz naeuz, yawjraen fak saenq daeuj,

gou dauqneix daengz 20 bi gaxgonq gou roengz giek hawj hagdangz gyoengqsou. Rox doenghgij bi neix daeuj hagdangz yied banh yied ndei, gyoengq doengzhag gaenx hag, gaenx guh, cangqheiq angqyangz majhung, gou vuenheij raixcaix.

Siz Ginbingz daegbied gangj daengz, lwgnyez dwg gij coglaeng guekcoj. Hwnqguh ndei ranzmbanj, cienzmienh hwnqguh guek raeuz baenz aen guek ak yendaiva sevei cujyi, aeu daih vunz gyoengqsou neix cieprengz haenqguh. Maqmuengh gyoengq doengzhag laeb aen eiqyiengq

sanggyae, insik ndwenngoenz gyaen-ndei, dingmaenh dwz ci dij mej lau cienzmienh hwnqfat, cengguh boux lwgnyez ndei seizdaih moq gyaenz dangj gyaenz guek, gag laeb gag giengz, buekguh baenaj, roengzrengz majbaenz boux miz yungh dawz ndaej mbaqrap naek hwnqguh aen guek ak, minzcuz fukhwng.

Ndanggonq Cihgyangh Siujyoz dwg aen siujyoz diegbya Swconh Swngj Nancungh Si Gyahlingz Gih ndeu, bya sang loh lingq, hagdangz gaeuq. 2004 nienz, hagdangz ndaej daengz Cezgyangh Swngj gapdoh

bangfuz senj dieg hwnqmoq, seizhaenx guh Cezgyangh Swngjveij suhgi Siz Ginbingz doengzbi 5 nyied roengz giek hawj hagdangz, 2005 nienz 9 nyied hagdangz cingqsik ndaej yungh, banhhag diuzgen gajnde yienhda, seizneix hagdangz miz 287 boux siujhagseng. Mboengqneix, daengxcungq doengzhag Cihgyangh Siujyoz haj nienzgaep it ban raiz saenq hawj Siz cungjsuhgi, naeuz gij cingzgvang ngoenznaengz hagsib, gangjok gij cingz gyo' mbaiz caeuq aen gietsim cengguh boux lwgnyez ndei seizdaih moq.



5 nyied 31 hauh, Liujcouh Si Yungzanh Yen guh aen hozdung baenzroix bi vwnzlij Yungzanh Yen 2024, youq yienhsingz guh vanjvei hawj lwgnyez hwnjdaiz yienjheiq, gyoengq lwgnyez ciengq go diuq foux angqgvaq Ciet Lwgnyez Gozci “Roek It”, miz haujlai siminz daeuj humx yawj. Ndaw doz dwg lwgnyez cingq yienjheiq. (Cinz Ginghoz ingj)

## Gvangjdungh Gvangsijh Doxgap Bangrengz Gizdieg Ginghci Hwngfat

Geij bi neix daeuj, Lingzyinz Yen laebdaeb gyalai Gvangjdungh Gvangsijh doxgap, coicaenh gijnde doxbouj, comzyawj canjnieb hwngfat, guhhong doxbang, hwnqguh lajmbanj gyaundeide daengj hong, mboujduenh doidoengh Gvangjdungh Gvangsijh doxgap byaij laeg byaij saed.

2023 nienz doxdaeuj, Lingzyinz Yen gag caeuq Gvangjdungh Swngj

Sinhcin Si Yenzdenz Gih doengzcae comzyawj hanghmoeg hwnqguh aen yienh neix, gapdoh bangfuz, daiqdoengh siuhfei doxgap doxbang caeuq doxgap guh cauhoq hozdung. Gyagiengz hanghmoeg hwnqguh ndaej caemhgingz, lai doidoengh caeuq doiqciep “giyez Gvangjdungh haeuj Gvangsijh”, lai doiqciep giyez baihdong daengz aen

yienh neix doxyaeng, ra canjnieb doxgap caemhgingz, lai yinx haeuj aen giyez lingxdaeuz naemj doxgap de daengz Lingzyinz roengzgoek hwnqguh. Bi' gvaq yinx 3 aen giyez baihdong daengz aen yienh neix roengzgoek hwnqguh, demmoq caen buet ngaenz 9700 fanh maenz, ndawde demmoq yinx haeuj 2 aen giyez Gvangjdungh, caen buet ngaenz

roengzgoek daengz 6600 fanh maenz, gungh sou vunz lajmbanj bae guhhong 90 boux, caezhwnq 2 aen canjnieb yenzgih, gungh sou vunz lajmbanj bae guhhong 75 boux; bang hwnq bangfuz cehgenh 4 aen, gungh sou vunz lajmbanj bae guhhong 147 boux.

(Veiz Senh Vangz Vwnzginh)